

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

Broj: 02/12-23-12373/19  
Sarajevo, 30.07.2019.godine

Na temelju člana 64. stav (1) tačka b) najniža cijena, člana 25. i člana 70. stav (1), (3) i (6), člana 123. stav (1) i (2) Zakona o javnim nabavkama ("Službeni glasnik BiH", broj 39/14), a u skladu sa članom 3. stav (3) Pravilnika o uslovima i načinu korištenja E-aukcije i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, a na preporuku Komisije za javnu nabavku radova Općinski načelnik, d o n o s i :

## **O D L U K U**

### **o izboru najpovoljnijeg ponuđača u predmetu - Izvođenje radova na prikupljanju i odvođenju voda u ulici Geteova br. 9., 10. i 11.**

#### **I**

Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na prikupljanju i odvođenju voda u ulici Geteova br. 9., 10. i 11., broj obavještenja 422-1-3-143-3-64/19 objavljen u Službenom glasniku br. 41/19 dana 14.06.2019.godine i na Portalu javnih nabavki Agencije za javne nabavke BiH dana 06.06.2019.godine, dodjeljuje se ponuđaču: HARYSCO doo Sarajevo, ul. Bihacka br. 1., Sarajevo, sa ponudenom cijenom za ugovor u iznosu od 125.544,93 KM sa uračunatim PDV-om.

#### **II**

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije i preporuka za dodjelu ugovora u predmetu.

#### **III**

Zadužuje se Služba za zajedničke poslove, da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

#### **IV**

Obavezuje se ponuđač iz člana I ove Odluke da u roku od 5 (pet) dana od zaprimanja iste, dostavi dokumente tražene u podtački 3.1.3. tenderske dokumentacije, koji se odnose na član 45. stav 2. tačka od a) do d) Zakona. Dokazi koje će dostaviti odabrani ponuđač moraju biti originalni ili ovjerene kopije i ne mogu biti stariji od 3 mjeseca, računajući od momenta predaje ponude.

Konstatuje se da je ponuđač dostavio dokumente tražene u podtački 3.3. tenderske dokumentacije koja se odnosi na ekonomsku i finansijsku sposobnost, te se oslobađa naknadnog dostavljanja istih.

## Obrazloženje

Postupak javne nabavke pokrenut je Odlukom o pokretanju postupka javne nabavke u predmetu - Izvođenje radova na prikupljanju i odvođenju voda u ulici Geteova br. 9., 10. i 11., br. 02/12-23-12373/19 od 31.05.2019.godine. Procjenjena vrijednost za predmetnu nabavku iznosi 92.307,69 KM bez PDV-a i 108.000,00 KM sa PDV-om. Javna nabavka provedena je putem otvorenog postupka za dostavu ponuda br. obavještenja 422-1-3-143-3-64/19 objavljen u Službenom glasniku br. 41/19 dana 14.06.2019.godine i na Portalu javnih nabavki Agencije za javne nabavke BiH dana 06.06.2019.godine.

Zapisnikom sa otvaranja ponuda od 28.06.2019.godine Komisija je utvrdila da su u ostavljenom krajnjem roku za otvaranje ponuda, blagovremeno i propisno upakovane dostavljene dvije (2) ponude i to od sljedećih ponuđača: HARYSCO doo Sarajevo i TUZLIĆ doo Breza. Zapisnik sa otvaranja ponuda dostavljen ponuđačima na fax.

Nakon što je Komisija utvrdila da su pristigle dvije (2) ponude, pristupila je analizi i procjeni dokumentacije, kojom ponuđači trebaju dokazati svoje kvalifikacije za učešće u ovom postupku.

- Komisija je analizom ponude ponuđača: TUZLIĆ doo Breza, utvrdila da ista ne ispunjava kvalifikacione uslove tražene u tenderskoj dokumentaciji iz podtačke 4.2. Sadržaj ponude stav i). Naime, ovom podtačkom je traženo da se dostavi dokaz od PIO/MIO ili Poreske uprave kao dokaz o uposlenom licu sa završenim građevinskim ili arhitektonskim fakultetom, ne starijim od 30 dana računajući od dana utvrđenog kao krajnji rok za predaju ponuda. Uvidom u Listu osiguranih lica broj 13-4/7-15-5-1083-1/19 izdatu od strane porezne uprave FBIH, Kantonalni porezni ured Zenica, Ispostava Breza, utvrđeno je da je ista izdata 23.04.2019.godine. Budući da je kao krajnji rok za predaju ponuda bio 28.06.2019.godine, to je dostavljena potvrda izvan roka utvrđenog tenderskom dokumentacijom.

- Daljom analizom ponude TUZLIĆ doo Breza, utvrđeno je da ista nije ispunila uslov tražen u podtački 3.4.2. stav a) Tehnička i profesionalna sposobnost; i podtačka 4.2.1. Sadržaj ponude stav h). Naime, ovim podtačkama traženo je da ponuđač dostavi listu ugovora koji su u vezi sa predmetom nabavke, a koji su realizovani u posljednje tri godine. Uvidom u Referens listu istoimenog ponuđača broj 179-VI/19 od 28.06.2019.godine, utvrđeno je da ista ne obuhvata period za posljednje tri godine kako je to traženo tenderskom dokumentacijom.

Iz naprijed navedenog, evidentno je da ponuđač nije ispunio uslove tražene podtačke 4.2. Sadržaj ponude stav i) i podtačke 3.4.2. a) stav Tehnička i profesionalna sposobnost; i podtačka 4.2.1. Sadržaj ponude stav h). Iz navedenih razloga, TUZLIĆ doo Breza, je ocjenjena kao neprihvatljiva i nije bila predmet dalje analize i vrednovanja.

Uvidom u preostalu ponudu: HARYSCO doo Sarajevo, Komisija je utvrdila da sve ispunjavaju formalno-pravne i kvalifikacione uslove navedene u tenderskoj dokumentaciji.

Komisija je izvršila računsku kontrolu i utvrdila da je ova ponuda i računski ispravna, ali je utvrđeno je da je ova ponuda u iznosu od 17.544,93 KM veća od iznosa određenog u Odluci o pokretanju postupka javne nabavke (bez PDV-a procjenjena vrijednost nabavke iz Odluke iznosi 92.307,69 KM i sa uračunatim PDV-om iznosi 108.000,00 KM).

Komisija je od Službe za finansije zatražila potrebni dodatni iznos. Aktom broj 02/12-23-12373/19-M 4 od 18.07.2018. godine, Služba za finansije je dala saglasnost na traženi dodatni iznos od 17.544,93 KM, te je na osnovu te saglasnosti Komisija nastavila sa procedurom javne nabavke.

Nakon što je Komisija utvrdila da je ostala jedna prihvatljiva ponuda, a da je za ovaj postupak bilo predviđeno provođenje e aukcije, u skladu sa članom 3. Pravilnika o uslovima i načinu korištenja e-aukcije stav (3), odlučeno je da se ovaj postupak okonča u skladu sa članom 69. tačka 1. stav a) Zakona.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji i primjenom člana 3. stav (3) Pravilnika o uslovima i načinu korištenja E-aukcije u cjelosti se prihvata Zapisnik o pregledu i ocjeni ponuda Komisije i preporuka za dodjelu ugovora. Na osnovu gore navedenog, odlučeno je kao u dispozitivu Odluke.

### **Pouka o pravnom lijeku**

Ponuđač koji je sudjelovao u postupku nadmetanja može radi zaštite svojih prava i pravnih interesa, u roku od 10 dana od prijema pismene obavijesti (Odluke) o izboru najpovoljnijeg ponuđača, izjaviti žalbu ugovornom organu u dovoljnom broju primjeraka.

Obradila  
Enisa Babić, dipl. pravnik

Dostaviti:

1. Ponuđaču - učesniku postupka
2. Služba za zajedničke poslove
3. A r h i v i / u spis



Općinski načelnik  
mr. Semir Efendić